

Jierferslach 2011 (april 2011-april 2012)

Bestjoerssaken

2011 hawwe we mei 5 minsken it bestjoer fan Doarpsbelang foarme

Dirk Kuperus,	foarsitter,	Douwestritte 18,	tel 559659
Durk Hoekstra,	skriuwer,	Tsjerkebuorren 36,	tel 559845
Marcel Hooghiemstra,	pongghâlder,	Bregefinne 8a,	tel 559025
Sipke Epema,	algemien lid,	P.Walmastrjitte 14,	tel 559275
Martine de Rijke,	algemien lid,	Douwestrijtte 13,	tel 558013



Dirk



Durk



Marcel



Sipke



Martine

Ein 2011 ha we Henk Yntema ree fûn om yn 2012 him ferkiesber te stellen as nij bestjoerslid fan doarpsbelang. Henk hat de ôfrûne moannen al efkes mei sjoen by de fergaderingen.

As doarpsbelang ha we dit jier wurke mei de nije gemeente SudwestFryslan, ús earste kontakten mei de gemeente rinne faaks mei de doarpekoördinator die ús ta wezen is. Spitich genôch is ús foarige doarpskoördinator, Wop Schat, dit jier stoppe. Hij hat ús yn de âlde gemeente Wymbrits altiten tige goed holpen. Syn opfolger Erik Visser is ein 2011 starten en de earste kontakten binne lein.

Wolwezen

Himmeldei

De fûgelwacht hat yn 2011 under lieding fan Anne Visser de organisaasje fan de himmeldei hielendal op har nommen. Mei tal fan skoallebern, frijwilligers mei boaten, hawwe sy yn ús omkriten it ôffal út it wetter en de reiden fuorthelle sadat de maaitiid wer skjin begjinne koe. Doarpsbelang soarge nei de tiid foar patat en drinken.





4 maaie deadenbetinking

De deadenbetinking is wer organiseare under lieding fan Henk Soeten. Troch de skoallebern binne wer inkelde gedichten foardroegen. Mirjam Pol, riedslid fan de gemeente hat in wurdse sein, Krânsen en blommen binne lein troch de Oranjeferiening, Doarpsbelang, bern fan de skoalle en oare belangstellenden by de betinkststien fan Catharinus S. Faber by de tsjerke yn Twellegea. It “taptoe sinjaal” is spiele troch Marten Postma fan CMV Euphonia. En inkelde leden fan CMF Euphonie hawe oan it ein it Wilhelmus spiele.



Âlderein middei

De âldereinmiddei op sneon 15 oktober yn It Harspit stie yn it teken fan in "slipkursus". De kommisje Wolwêzen hie dit alles regele foar de 55-plussers. De wolbekende greauwen en Fryske breatafel stiene wer klear. It wie wer in gesellige middei.



Milennium loop

It bestjoer fan doarpsbelang hat ek dit jier wer as wiksel- en stimpelpost foar de millenniumsloop (estafetteloop) tsjinst dien. Opbringst foar “The Hunger Project” wie € 122.826.

Keppelfeest,



Fanút de Fryske Rie hat doarpsbelang har ynspant om flaggedragers foar it keppelfeest (kneppelje wurdt keppelje, nei oanlieding fan kneppelfreed) te leverjen. Der binne 60 flaggen útdielt mei de earste sinnen fan ús doarpsliet dy't yn novimber útstutsen wurde moasten. Der is mei flaggen rûn yn Boalsert. En Tjitte Bouwhuis hat it liet fan Top en Twel foardroegen foar omrop GPTV

Jeugd

Begjin 2011 is der oerlis west mei de jeugd fan 8 oant 12 jier fan Top en Twel oer wat se graach hawwe wolle. Hjir oer is yn in byienkomst “harsesstoarme” ûnder lieding fan Timpaan. Út dizze jûn kaam nei foaren dat der ferlet is fan in jeugdhonk, in fuotbalkoai en in skatebaan.

De plannen foar de oanlis fan in fuotbalkoai en in skatebaan binne makke. Doarpsbelang hat mei in tal âlders fan bern dwaande west om plannen te meitsje en plak te sykjen hjirfoar. De plannen lizze no by de gemeente, dy sil ‘ja’ sizze moatte en noch wat jild op tafel lizze moatte. En der lei it no en we hearre der net sa folle oer. Mar we hâlde fest om dit foar mekoar te krijen.



De oare winsk fan de jeugd wie in soart fan jeugdhonk. Foarich jier maart is fan út de tsjerke/klups (jeugdwerk) starten mei in jeugdcafe. Dit is aardich suksesfol en is nei de simmer wer trochsetten. Doarpsbelang hat harren help oanbieden om hjiryn

mei te tinken en mooglik finansjeel dit te stypjen sadat dit in sukses bliuwt. In protte jeugd makket hjir gebrûk fan. Ek de klups op moandei jouwe fertier foar bern dy't hjir hinne geane. It giet ek net altyd om tsjerkedingen, dat foar elts is der wat te finen, meitsje der gebrûk fan jeugd!

De winkel soe ticht: De winkel bliuwt iepen!



Ein foarich jier krigen we it berjocht dat de winkel ticht soe. Talant draaide mei ferlies en hâld op mei de winkel. Foar it doarp soe dat in grutte slach wêze. Fan út doarpsbelang ha we ynformaasje ynwûn oer de mooglikheid of in winkel yn us doarp foartbestean kin. De berichten wine sawol posityf as negatyf. In tal negative saken binne, te ticht by Snits, gjin oanrin fan út de omkriten, net folle toerisme. Mei in groepke ûndernimmers en âldûndernimmers ha we der oer sitten te brainstoarmjen.

De konklúzje wie: Doarpebelang kin hjir wat yne dwaan, der moat in winkel-man/frou fun wurde dy him/har hjir fol foar ynsette wol. Hjir en der binne baltsjes opgoait en advertinsjes setten. Ek is praten mei Talant oer it foartbestean. Se woenen ophâlde mei it behear fan de winkel. Se hawwe besocht om ûndernimmers te finen om mei de winkel troch te gean en mei de bedoeling dat de wurknimmers en kliënten fan Talant der wurkje bliuwe kinne. Úteinlik is dit slagge: sjoch folgend stik fan ein maart:

De buurtwinkels van Talant in Wirdum, Oppenhuizen, Oosterzee en Wirdum blijven open. Support & Co neemt de exploitatie over. Talant blijft begeleiding bieden aan de werknemers met een verstandelijke beperking. In december kondigde de welzijnsinstelling aan de winkels te moeten sluiten uit kostenoverwegingen. Er werkten negen mensen met een beperking. Dit is goed nieuws voor Top & Twel.

In de komende tijd zal, onder andere samen met Doarpsbelang, gekeken worden welke acties genomen kunnen worden om meer klanten naar de winkel te krijgen. Dat de winkel moet blijven is iedereen het wel over eens, maar dan moet er wel een boterham te verdienen zijn om de winkel te kunnen behouden

No moat Top en Twel der sels foar soargje dat de winkel bestean bliuwe kin. Doarpsbelang sil de nije ûndernimmer hjir yn steune en helpe bij eventuele aksjes.

Doarpsbelang hie al in bankje besteld om by de winkel te pleatsen yn it meat fan it opkreaazjen. Dizze sil mei koarten troch de gemeente tegearre mei de beam pleatst wurde.

Romte



Opkreaazjen

Dit hat lang doarre, de oannimmer wie net hyl hastich. Úteinlik is dizze sels fallyt gong. Oannimmer Cnossen út Snits is alles oan it ôfmeitsjen. No wurd der rûnom it Harspit noch wurke, wylst dit skreaun wurd. Dit is it leste stikje. Mear as trije jier hat Toppenhuzen we yn de rommel sitten.

Behâld Griene Buffer

Yn 2011 hat de rie tastimming jûn om it bestimmingsplan te wizigjen, sadwaande dat DoumaStaal de romte krigen om yn de griene buffer út te wreidzjen.

Nei oanlieding fan dy útspraak is de kommisje Behâld Griene Buffer 'opheven'.

Yn de amendeminten op it beslút hat de rie sein dat der in akseptabele ynfolling fan it gebiet komme moat, yn oerlis mei it doarp, de gemeente en DoumaStaal. De gemeente (wethâlder Gea Akkerman) hat it ûnôfhinklik buro socht om in plan op te stellen. Dat is wurden "Landschapsbeheer Friesland" út Beetstersweach. Der hawwe in 6-tal petearen west wer iepen sprutsen is oer de it grienplan. Fierder is it plan ek presintearre op in gearkomst mei omwennende. De kommisje griene buffer, Doumastaal en de gemeente wienen it yn it oerlis iens en de binne ôfspraken makke, mar no't alles op papier moat tûket it nochal om dikte fan beamen en hichten fan te planten struken. Dize ôfspraken steane noch net op papier.



Ferkeap en ôfbrekken fan huzen fan Elkien



Troch wenningskoöperaasje Elkien is meidielt dat se huzen ferkeapje moatte. Dit is troch it regear fan út Den Haag oplein. Elke koöperaasje moat ynkrimpe. Foar ús doarpen betekent dit dat 39 huzen ferkocht wurde sille. Yn earste ynstânsje wurde se oanbean oan de bewenners.

Fierder sille 12 huzen sloopt wurde oan de Brêgesleatswei en sil in 8 tal huzen der foar yn it plak setten wurde.

Al mei al in grut ferlies fan hierwenningen. Toppenhuzen/Twellegea is wol oanwezen as A-lokaasje. In hege status, wer de minste klappen falle (ticht by Snits). Doarpsbelang is net bliid mei it ferlies fan de hierwenningen foar it doarp en har hierders. Mar de "A-status" jout wierskynlik wol nije kânsen en foardielen.

"Hûne hûske"

In ôffalbak foar hûnestront stiet der no einliks ek by de Forbiningswei. Mar de minsken dy't wol is in rúnstje rinne komme op it dwersdykje noch wol ris geregeld in hûnebraat tsjin. In oprop oan alle hûnebazen. Graach de stront weart it heart. Yn it hûnehuske.

Ferkearspegel

Op fersyk fan doarpsbelang is der in ferkearspegel pleatst by de ûnoersichtlike bocht ûnder de brêge by it PM kanaal. Dit moat der de feiligens fan meinamen fytsers befoarderje



Brêge oer it Ges



Ein 2011 hat de gemeente it selsbetsjinnings systeem fan de brêge oer it Ges útskeakele. Dit fanwege te folle klachten en fanwege de berikberens fan de helptsjinsten yn it efterlân.

Der is in proef (pilot) west mei hânsbetsjinning, 2 of 3 oerkes deis. Mar der waard net hyl folle gebrûk fan makke fanwege it minne waar en it lange wachtsjen.

Yn in petear mei de gemeente hat doarpsbelang oanjûn dat se de brêge graach iepen hâlde wolle (rommere betsjinningstiden), we binne uteinliks in wettersport doarp. Doarpsbelang hat oantreaun om dan in better en betrouberder betsjinnings systeem op de brêge te setten. Mar in nij systeem soe te djoer wêze. Der is no troch de gemeente foar keazen om in storing tsjinst yn te stellen sadat bij storing de brêge troch yn dy't yn e buert wennet fan de brêge , de brêge nei ûnderen draaie kin. By storing as by in oprop fan in helptsjinst moat binnen 5 minuten ien oanwêzich wêze dy't de brêge dan betsjinne kin. Begjin maaie giet it los en kin der wer folop fan de brêge gebrûk makke wurde.

Kommunikaasje

Eveneminten boarden

Der binne troch de VVV boarden pleatst oan de ynkomende diken yn Twellegea en Toppenhuzen wêrop de kommende eveneminten oanjûn wurde kinne.

Dizze wurde regelmjittich foarsjoen foar aktiviteiten yn ús doarpen.

De aktiviteiten wurde oer it algemien út de agenda fan topentwelonline helle.

Op de side op topentwelonline en yn de twilling stiet geregeld nijs fan doarpsbelang.

Finânsjes

Ligplaatzen

Momenteel is er geen wachtlijst voor de ligplaatsen, er zijn zelfs wat open plaatsen. De problemen met de extreme tariefsverhoging zijn ook opgelost , de gemeente heeft onder druk van dorpsbelang en van de ligplaatshouders zelf ingezien dat deze verhoging toch wel wat te veel van het goede was. De verhoging kwam doordat het niveau van de voorzieningen niet overeen kwam met de categorie waar we op ingedeeld waren. Dit heeft de gemeente doen besluiten om ons in een andere categorie te plaatsen waardoor de tarieven naar beneden zijn aangepast. De gemeente heeft door middel van een brief en een aangepaste nota alle ligplaatshouders op de hoogte gesteld van de correctie.

Financieel verslag

Afgelopen jaar is met een negatief resultaat afgesloten van € 5.150,80



Finansjeel jierferslach 2011

Ynkomsten

Toiletgebou	€ 21,00
Kontributie	€ 2.459,95
Stipe\subsydzje	€ 1.499,95
Administraasje	€ 95,20
Lisjild gemeentlike lizplakken	€ 4.413,60
Skou	€ 296,75
boeken	€ 42,00
Eigen bydrage alderein	€ 282,20
Rinte spaarrek.	€ 428,56

Utjeften

Toiletgebou	€ 1.303,95
Kont/heffing/stipe	€ 1.740,95
Presintjes	€ 368,05
Administraasje	€ 4.370,18
Lisjild gemeentlike lizplakken	€ 2.349,33
boarterstûn	€ 3.150,79
't Harspit	€ 514,20
Aldereinmiddei	€ 688,50
Assurantie kosten	€ 132,66
Reclame materiaal	€ 71,40



Totaal

€ 9.539,21

Totaal

€ 14.690,01

Begjin saldo bank

€10.705,41

Einsaldo bank

€ 5.126,05

Sparrekening

€26.000,00

Sparrekening

€ 26.428,56

Totaal begjin saldo

€36.705,41

Totaal eindsaldo

€ 31.554,61

Ferskil oer 2011

€ 5.150,80

Financiële reservering voor 2012

speelbestemming voor de jeugd

Slotwurd

Ôfrûne jier wie wer in drok jier. Gelokkich hawwe we in grut tal saken ôfronde kinnen as kinne hast ôfronden wurde.

Het opkreezjen fan Toppenhuzen is hast klear.

It oerlis oer het ynrjochtsjen fan de griene sône by Douma is hast klear.

It hûnehuske sjit der.

De skulpen binne op de paadsjes opbrocht (foar hoelang dat lizzen bliuwt is de fraach).

Der binne meidielings boarden kommen.

It lisjild is dôchs noch goed kommen.

It Harspit is opknapt.

De winkel bliuwt

De brêge oer de âldfeart moatte noch mar is efkes oansjen hoe dat rint.

Dit binne in soard saken dy't yn de ûntwikkelekalinder, die destiids ûnder lieding fan Gosse Schiemer makke is, neamt wurde. Wij hoopje dat dit de leefberens yn Top en Twel noch fierder feroangenammet. Ûnder tusken binne der al wer nije plannen as de fuotbalkooi en de skatebaan. Sloop fan hierwenningen. Mear parkearplakken by MFC "it Harspit" ensafuort hinne.

It wurd dus wer tiid om dizze saken wer te stream-lijnen en op papier te setten.

It bestjoer fan Doarpsbelang sil de kommende tiid sjen hoe dat it beste kin. En wie en wa der foar nedich is.

Fierder wolle wy iderien dy't ús it ôfrûne jier holpen hawwe hertlik betanke. En wij hoopje dat wij wer in berop dwaan kinne wannear dit nedich is.

Dirk Kuperus,
Foarsitter Doarpsbelang Top & Twel